



64
i
u
c
P

PROPOSITIO LEGATI
Serenissimi Ducis Neoburgici.

Serenissimæ Reipub Poloniæ, Magniq; Du-
catus Lithu: Proceres & Ordines.

*Reuerendissimi, Excellentissimi, Illustrissimi, Perillustres,
Magnifici, & Generosissimi Domini, Flos liberrimæ
Nobilitatis, Fortissimi Equites.*



Nclitissimum & Augustissimū,
hoc Regnum multa habere à Deo singu-
laria, & Coronam Regiam Clarissimæ
& Nobilissimæ Nationis propriis qui-
busdam fulgoribus coruscare, quum
non pauca sint quæ demonstrant, nihil
tam ena quæ extra omnem dubitationem collocat, quàm
Comitiõrum ratio, imprimis autem Electio Regum, sem-
per insignis generoso libertatis vsu conspicua ac admirabilis
& heroico veræ Nobilitatis actu planè incomparabilis.

Quæ propter hoc tempore, quo Optimus Rex, cœlesti
iustitiæ, reliquum vitæ Deo soli impendendum, & inter-
ualli, aliquid inter curas sæculi, supremæque funera interpo-
nerendum esse, magno animo iudicauit; vniuersi Orbis expe-
ctatio, non tam eligendi Regis merita, quàm eligenti me-
cer silium ac providentiam intuetur, faustisq; omnibus
prosequitur.

Peracturi enim estis, Sapientissimi Viri, hoc opus toti

905006

A

Rej

II Maq. 8. 21

1881. Jagiell.

1983. 1562/16 (50)

X

Rei Christianæ præsidio ornamentoque futurum. Rex inuenietur qui est dignissimus. Optimus exilium abitur & præclarissimo huic Regno utilisissimus, quem summa huius Venerabilis Concilii prudentia ad Regium solium prouexerit.

Interim ad honorem Nobilissimæ gentis pertinet, quod Communis famæ iudicio, non nisi ingentis celebritatis Principes huic fastigio idonei destinantur. Sitque & maneat sua cuique quantacunque esse potest, laus & commendatio.

Qui verò æternitati & gloriæ Imperii Vestri, simul Vestræ Libertati, ipsemet quippè libertati inuitus & assuetus; & diutiùs studuerit, & maiore semper zelo fuerit addictus; vnus est Serenissimus Princeps ac Dominus, Dominus Philippus Wilhelmus Comes Palatinus Rheni, Bavarix, Iuliaci, Cluix, ac Montium Dux, Dominus Noster Clementissimus. Qui Regiæ huic ac Inuictæ Reipublicæ immortales profiteatur gratias, quod dignum censuerit, quem nunciato, per literas Interregno, ad pristina pia erga Serenissimam Rempubicam, Patriam Vestram, & si nunquam intermissa studia, denudò amâter inuitaret.

Quod igitur Serenissimus Princeps Nos huc legauit, non fiducia sui, non spei duntaxat suæ, sed amplitudinis, reuerentiæ, & obseruantix causa fecit, quæ se deuinctum agnoscit florentissimæ Genti; cui maxima quæque & plurima debēs, cupit plura debere, & maiora præstare.

Tum Serenissimæ huius Reipub: tranquillitati ex animo gratulatur, quod in his omnium penè rerum inclinationibus atque ruinis, vel supra omnium fidem, tanta est vt omninò ipsa sibi sufficiat. Augusta hæc Respublica, nisi, antiquo more, vnum caput, su apte sponte mallet.

Quum

Quum verò forinsecus, id adsciscere mens esse videatur,
de gente circumspicietur, cuius indoles comoda sit, quæ
Nobilitatem, & Libertatem solito curatius cum propu-
gnet suam, tum ferat, ornent, augeat alienam.

Quod itaque Sapientissimi Poloniæ & Lithuanicæ Ma-
gnates, Equitesque vni ac solis Excellentiarum, & Genero-
sitatum Vostrarum auspiciis, votis, suffragiis, placitumque fiat,
vnde hinc electio Regum vnicè pendet, Serenissimæ Republi-
cæ amici optant, atque commendant, Serenissimum Princi-
pem Nostrum, Ducem Palatino Neeburgicum, Polonum
Vobis commendant, Lithuano Polonum. Non loco, sed
languine, non natiuitate sed genere, sed origine. Non Pia-
stum, sed Piastem bis Jagellonigenam, binarum Jagelloni-
dum Coniugem, Filiorum quater Jagellonicorum Patrem.

Ortus is est è Vetustissima & Nobilissima Palatina Do-
mo tot Imperatorum, Regum, Electorum, Heroum, Parente
atque Nutrice. Cæterum ipse Jagellonis quadrinepos, filii
eius Casimiri, bis trinepos, cum ex Barbara filia, tum è fi-
lio Vladislao, Poloniæ Principe, Hungariæ & Bohemiæ
Rege.

Nihili equidem hoc omne est, si ius spectetur, quod
quippe nullum inde penitus est, Vobis tamen Sancta semper
Jagellonis stirps, quin ne feminæ quidem ex ea neglectæ.

Huc olim delatus Serenissimus Princeps, quantopere
commendatus fuerit ab Vladislao Magno, plerisque Vestrum,
Excellentissimi & Generosissimi Domini constat. Nunc
quod Regia illius sorore, primâ vxore, & liberis ex ea caret,
intelicior quidem, at nihilo factus indignior est, cuius me-
minerit bonitas & benevolentia vestra.

Adderemus hodiernam Serenissimum Principis Coniugem, & Ipsam stirpe bis Vestram, nisi Vobis aliqua stirpis quidem, potior Virtutis ac Princeps cura esset.

Virtutis certè fuit, quod Serenissimus Princeps animū huc appulit, innocentissimo tamen Molimine, ac intra modum. In omni hoc rerū transitu noluit intempestuè spem consumere, iusto se tempori, imò voluntati Vestræ referuauit. Semper sincerè sollicitus, vt libertati inestimabili & communi thesauro religiosissimè & sanctissimè caueretur. vt omnia licitis, æquis, honestis, placidisque medijs fierent, non per improba fœdera, non per Infideles, Barbaros, Tartaros, Cosacos, non per præcoces & malignas artes, non per cuiusquam præiudiciū, non per prauarum chartarū sparsiones, idque genus meditamenta, qualia & audere & bonis Viris imputare indecorum & nefas est.

Vna placidissimo Principi cura, hæc charitas, hic scopus, Summi Viri, Vobis laborare Reipublicæ, vt Vos vicissim ipsi faueatis, qui vt potè insolidum omnia Eminentissimæ huic Reipublicæ debebit.

Nullis is alio, nisi Vestro fauore, nulla affinitate, nisi Vestra se commendat. Serenissimæ Reipublicæ amicorū commendationibus, pace Vestrâ, vtitur. Solâ Excellentiarum & Generositatum Vestrarum dignatione, indulgentiâ, benignitate & auctoritate nititur vnice, niteturque.

Satis superq̄, sibi sufficit Polonia. Rege eiopus, non tam qui multum afferat, quàm qui nihil auferat, nil deterrat, pessundetue. Qui iuxta cum omnibus suis solide Catholicus sit. Qui res benè ordinet. Solerter amplificet. Generosè administret. Frustruose dispenset: Qui nulla, nisi

Reip.

Reipublicæ bella habeat. Qui pacem colat. Commercia
instauret & disciplinam. Qui totus Vestrae spontis sit. Ne-
mini obnoxius nisi Legibus. Impermixtus rebus alienis. Qui
Regnum nouis periculis, priuatis prætensionibus, diffiden-
tiis, simultatibus, æmulationibus, bellis denique non impli-
cet. Qui sustentandis per se suis par. Nemini suspectus. De
suo, sicubi opus, Vobis lenationi futurus, sine exprobra-
tione; nunquam oneri sit. Qui cum ad seria ventû, omni-
bus par negotiis, ingenio, iudicio, corpore, sermone, stilo,
opere. Laborum tolerans, tractabili, composito, culto sit
animò, præclarâ morum continentia, nec insciens bellare,
nec appetens, maturus, consideratus, prouidens, affabilis, ex
vlu intelligens muneris sui.

Qualis an Serenissimus noster Princeps sit, Vestrarum
Excellentiss: & Generos. Sapiientissimi Viri, erit iudicatio.
Experiundo sanè patebit, omnia iunctim Principi huic in-
promptu fore, quæ ad propitiandum Genium Generosissi-
mæ nationis spectant. Vnde felix Germanici Polonicique
nominis copula, pari communis Libertatis & publicæ secu-
ritatis ingenio auctorata, orietur, maximo huius Regni &
vniuersæ Rei Christianæ emolumento.

Iagellonis utique Casimiri, Sigismundi I. fratris simul
& sororis, proximam propaginem, Diui Sigismundi III
Generum, Vladislai & Ioannis Casimiri Regum affinem so-
roriû, si Excellentia & Generositates Vestrae velint, en ha-
betis, maximi & optimi Viri! Principem Germano Polo-
num, Catholicum, Iustitiæ, Equitatis, Militiæ & Ciuium be-
nè de Patria merentium, peramantem, nullis hostilitatibus
implicitum. Linguarum Latinæ, Italicæ, Gallicæ, aliarû q;

sciens

Resp.

scientem, nec Polonicæ inscium. Cui, per Dei gratiam, morborum expertus, compacta & profectò benè valens ætas. plerisque inimitabilis vigor. Cui venari, equitare; sub dio vivere, pars dietæ imò medicinæ est. Cui florentes subsunt nec exiguæ ad Rhenum & Danubium Ditiones atq; Principatus, non vnis millionibus, nec semel, sed quoties opus, intra breue tempus persolvendis; tum, aliquot millibus honorû Militum parandis a lendisq; pares. Quemadmodum multoties è terris Serenissimi Principis, fecundissimo fundo fontèq; integri Exercitus conscripti, diù seruati & in Campum educti sunt.

Qui Liberos nec plures huc adducet, neque aliis modis aut Conditionibus, quam ipsi voletis. Quibus nihil de bonis Reipublicæ Regalibus & Spiritualibus conferet, aut curabit conferri. Domi abundè illis est. à Vestris nutibus dependebunt. Sub optima nunc educatione, & deinceps facturi ad amussim, quicquid statuet Serenissimus Parens. Cui Leges Vestræ & volûntates pro moderamine erûnt & omnis vitæ Regula. Qui Excellent: & Generosû: Vestrarû se se placitis tantò magis aptaturus est, quantò plura maioraq; dat pignora quàm optimè de Republica merendi. Iuuentuti Polonæ & Lithuanæ ad studiorum Exercitiorumq; cultum, capessendum, Coloniae Agrippinæ & Ingolstadii sumptus suppeditaturus.

Quà pollet peritia, solertiâ & dexteritate, effecturus, vt commercia fructuosissimè possint efflorescere.

Improbam ac mendosam monetam, suis impendiis fortitèr profligaturus.

Tria

Tri
sub-ext
Po
stulent,
lia ped
T
restitu
Princeps
tos suo
atione
comm
modo
opport
Maiest
stò G
gnum
Idem
sanguin
& capi
Regni
Regnu
Exerci
re, cu
laeriter
omnes
A
prudem
amula

Tria fortalicia, locis idoneis, Reipublicæ, placituris, ære
sub-structurus.

Porrò Serenissimæ Reipub. si necessaria tempora idpo-
stulent, in subsidium adducturus, quatuor vel quinq; mil-
lia peditum.

Tùm si Reipubl: ex pactis recens conuentis suum non
restituatur, indeque bellum Regno inferatur, Serenissimus
Princeps Officiis studiisq; suis, apud cæteros vicinos cogna-
tos suos, fidelissimè præstabit, vt eorum opem & coniun-
ctionem, vtilem Reipublicæ aduersus illum tùm hostem
communem impetret, spe certa fretus, fore vt ea nullo
modo desit, Omni quoq; ratione, quæ Serenissimæ Reipub.
opportuna videbitur, allaborabit apud Sacram Cæsaream
Maiestatem, ac in Comitibus Imperii, vt & inde auxilia præ-
stò sint, si à Turca periculum & bellum contra hoc Re-
gnum aliquando moueri contingat.

Idem Serenissimus Princeps, Serenissimæ Reipublicæ vel
sanguine suo inseruire cupidissimus, promptum se, corpus,
& caput suum ad omnia, quæ in præsens & impostherum
Regni salus, Amplitudo & Gloria poscunt, offert, atq; vt
Regnum oneribus leuetur, ad *unum* integrum *Annum*,
Exercitum suismet impendiis alere, eius membris beneface-
re, cumque ipsis ipse, aduersus hostes Regni quoscunque a-
laeriter prodire, vnà cum iis vtramque fortunam experiri &
omnes vires suas periclitari paratus est.

Agite modò fortissima pectora, Libertate Vestra &
prudentia, candore, iure, statuque vestro freti, spe, ambitu,
& mulatu, omnes vnanimiter absoluite.

Tria

Prin-

Princeps noster est Ducatum suorum Possessor quietus,
amantissimus suis. Dei metuens. Observans Legum. Vete-
ris moris retinens. fidei seruans. amans sanè Libertatis & Mi-
litis, Nobilitatis & Equestris Ordinis longè amantissimus.
Senatorij per quàm reuerens. Pater est, Germanus, imò Po-
lonus est. Multis nominibus vester est, Addite modò, quod,
plenissimò Liberrimæ Electionis iure vsùque, Vos vnice
potestis: & quod nos petimus, optamus atque vouemus.

In quo auspicato omine conquiescimus, & Deum pre-
camur, Deum Fortem, Deum Pacis, Deum Consilij, vt
eam Excellentiss & Generositatibus Vestris mentem
indat, Spiritum Principalem; vnde cum pe-
renni fructu, ac triumphali totius Impe-
rii Sarmatici Gloria, Voti damne-
mur singuli, exitu lætemur
Vniuersi.



s,
te-
11.
is.
o.
d,
cè

e-
vt

